

王湘綺先生全集

唐詩選



七言律詩一卷

長沙湘潭王闓運字

壬父撰



唐詩選第

序目

中宗皇帝一首 高宗皇后一首 沈佺期六首

宋之問一首 杜審言一首 崔日用一首 蘇頌

一首 劉憲一首 狄仁傑一首 盧藏用一首

張說一首 徐安貞一首 李頎五首 崔顥二首

孟浩然一首 李白三首 王維十首 張志和

一首 高適七首 張謂四首 杜甫二十四首

岑參六首 嚴武一首 包佶二首 李嘉祐八首

卷十二

一

七律

皇甫冉四首 劉長卿一十二首 秦系一首

竇叔向一首 劉方平一首 李端三首 盧綸三

首 錢起五首 郎士元一首 韓翃四首 司空

曙二首 耿湜一首 李益二首 韋應物二首

朱灣一首 戴叔倫二首 竇常一首 武元衡一

首 羊士諤二首 楊巨源二首 韓愈二首 劉

禹錫八首 元稹六首 白居易四首 王建二首

李德裕二首 李紳一首 殷堯藩一首 賈島

一首 劉滄三首 牛僧孺一首 韓琮一首 張

祐一首 薛能二首 杜牧一首 趙嘏七首 李

商隱二十首 溫庭筠八首 許渾一十二首 李

羣玉四首 崔珏二首 司馬扎一首 方干三首

羅鄴一首 曹唐三首 翁綬一首 許棠一首

皮日休六首 陸龜蒙九首

右錄七十四人詩二百五十六首

中宗孝和皇帝李顯

立春日遊苑迎春

神皋福地三秦邑 玉臺金闕九仙家 寒光猶戀甘泉樹
淑景偏臨建始花 綵蝶黃鸞未歌舞 梅香柳色已矜誇
迎春正啟流霞席 暫屬曦輪勿遽斜

卷十二

二

七律

高宗皇后文武氏

石淙

三山十洞光玄錄 玉嶠金巒鎮紫微 均露均霜標勝壤
交風交雨列皇畿 萬仞高巖藏日色 千尋幽澗浴雲衣
且駐歡筵賞仁智 瑇鞍薄晚襍塵飛
太子少詹事內黃沈佺期字雲卿

奉和立春遊苑迎春

東郊暫轉迎春仗 上苑初飛行慶杯 風射狐冰千片斷
氣衝魚鑰九關開 林中覓艸纔生蕙 殿裏爭花併是梅
歌吹銜恩歸路晚 棲鳥半下鳳城來

奉和春初幸太平公主南莊應制

主家山第早春歸御輦春遊繞翠微
買地鋪金曾作堦
尋河取石舊支機雲間樹色千花滿
竹裏泉聲百道飛
自有神仙鳴鳳曲併將歌舞報恩暉

奉和春日幸望春宮應制

芳郊綠野散春晴
複道離宮煙霧生
楊柳千條花欲綻
蒲桃百丈蔓初縈
林香酒氣元相入
鳥嘯歌聲各自成
定是風光牽宿醉
來晨復得幸昆明

興慶池侍宴應制

碧水澄潭映遠空
紫雲香駕御微風
漢家城闕疑天上

卷十一

三

七律

秦地山川似鏡中
向浦回舟萍已綠
分林蔽殿檉初紅
古來徒羨橫汾賞
今日宸遊聖藻雄
和上已連寒食有懷京洛

天津御柳碧遙遙
軒騎相從半下朝
行樂光輝寒食借
太平歌舞晚春饒
紅妝樓下東迴輦
青艸湖邊南渡橋
坐見司空掃西第
看君侍從落花朝

古意呈補闕喬知之

盧家少婦鬱金堂
海燕雙棲玳瑁梁
九月寒砧催木葉
十年征戍憶遼陽
白狼河北音書斷
丹鳳城南秋夜長
誰謂含愁獨不見
更教明月照流黃

越州長史弘農宋之問字延清

和趙員外桂陽橋遇佳人

江雨朝飛浥細塵陽橋花柳不勝春金鞍白馬來從趙
玉面紅妝本姓秦妒女猶憐鏡中髮侍兒堪感路旁人
蕩舟爲樂非吾事自歎空閨夢寐頻

修文館直學士襄陽杜審言字必簡

春日京中有懷

今年遊寓獨遊秦愁思看春不當春上林苑裏花徒發
細柳營前葉漫新公子南橋應盡興將軍西第幾畱賓
寄語洛城風日道明年春色倍還人

卷十二

四

七律

吏部尙書并州大都督長史靈昌崔日用

奉和立春遊苑迎春應制

乘時迎氣正璿衡灞灑煙氛向晚清
綺裁紅妙春色宮梅殿柳識天情
瑤筐綵燕先呈瑞金縷晨雞未學鳴
聖澤陽和宜宴樂季季捧日向東城

紫微侍郎益州長史知選事許國公諡文憲武功蘇

頌字廷碩

春晚紫微省直寄內

直省清華接建章向來無事日猶長
花間燕子棲鳩鵲竹下鶉雛繞鳳皇
內史通宵承紫誥中人落晚愛紅妝

別離不慣無窮憶莫誤卿卿學太常

太子詹事甯陵劉憲字元度

興慶池侍宴應制

蒼龍闕下天泉池軒駕來遊簫管吹綠隄夏篠縈不散
冒水新荷卷復披帳殿疑從畫裏出樓船直在鏡中移
自然東海神仙處何用西崑轍迹疲

內史贈文昌右相梁國公太原狄仁傑字懷英

奉和聖製夏日遊石淙山

宸暉降望金輿轉仙路崢嶸碧澗幽羽仗遙臨鸞鶴駕
帷宮直坐鳳麟洲飛泉灑液恆疑雨密樹含涼鎮似秋

卷十二

五

七律

臣老預陪懸圃宴餘季方共赤松遊

黃門侍郎范陽盧藏用字子潛

奉和立春遊苑迎春應制

天遊龍輦駐城闈上苑遲光晚更新瑤臺半入黃山路
玉檻俯臨玄霸津梅香欲待歌前落蘭氣先過酒上春
幸預柏臺稱獻壽願陪千畝及農晨

左丞相燕國公諡文貞洛陽張說字道濟

灇湖山寺

空山寂歷道心生虛谷迢遙野鳥聲禪室從來塵外賞
香臺豈是世中情雲間東嶺千尋出樹裏南湖一片明

若使巢由知此意不將蘿薜易簪纓

中書侍郎龍郵徐安貞

聞鄰家理箏

北斗橫天夜欲闌
愁人倚月思無端
忽聞畫閣秦箏逸
知是鄰家趙女彈
曲成虛憶青蛾斂
調急遙憐玉指寒
銀鎖重關聽未闌
不如眠去夢中看

新鄉尉東川李頌

寄司勳盧員外

流澌臘月下河陽
艸色新秊發建章
秦地立春傳太史
漢宮題柱憶仙郎
歸鴻欲度千門雪
侍女新添五夜香
早晚薦雄文似者
故人今已賦長楊

卷十二

六

七律

題盧五舊居

物在人亡無見期
閑庭繫馬不勝悲
窗前綠竹生空地
門外青山如舊時
悵望秋天鳴墜葉
巘岼枯柳宿寒鴟
憶君淚落東流水
歲歲花開知爲誰

送魏萬之京

朝聞遊子唱離歌
昨夜微霜初渡河
鴻雁不堪愁裏聽
雲山况是客中過
關城樹色催寒近
御苑砧聲向晚多
莫見長安行樂處
空令歲月易蹉跎

寄綦母三

新加大邑綬仍黃近與單車去洛陽顧眄一過丞相府
風流三接令公香南川稔稻花侵縣西嶺雲霞色滿堂
共道進賢蒙上賞看君幾歲作臺郎

宿瑩公禪房聞梵

花宮仙梵遠微微月隱高城鐘漏稀
夜動霜林驚落葉曉聞天籟發清機
蕭條已入寒空靜颯沓仍隨秋雨飛
始覺浮生無住著頓令心地欲皈依

司勳員外郎汴州崔顥

黃鶴樓

昔人已乘白雲去此地空餘黃鶴樓
黃鶴一去不復返

卷十二

七

七律

白雲千載空悠悠晴川歷歷漢陽樹
春艸萋萋鸚鵡洲日暮鄉關何處是
煙波江上使人愁

行經華陰

峩峩太華俯咸京天外三峯削不成
武帝祠前雲欲散仙人掌上雨初晴
河山北枕秦關險驛驛樹西連溼時平
俗問路傍名利客無如此處學長生

荊州從事襄陽孟浩然字浩然

除夜有懷

五更鐘漏欲相催四氣推遷往復回
帳裏殘燈纔去燄爐中香氣盡成灰
漸看春逼芙蓉枕頓覺寒銷竹葉杯

守歲家家應未臥相思那得夢魂來

供奉翰林召拜左拾遺成紀李白字太白

送賀監歸四明應制

久辭榮祿遂初衣曾向長生說息機真訣自從茅氏得
恩波甯阻洞庭歸瑤臺合霧星辰滿仙嶠浮空島嶼微
借問欲棲珠樹鶴何季卻向帝城飛

登金陵鳳凰臺

鳳凰臺上鳳凰遊鳳去臺空江自流吳宮花艸埋幽徑
晉代衣冠成古邨三山半落青天外二水中分白鷺洲
總爲浮雲能蔽日長安不見使人愁

鸚鵡洲

卷十二

八

七律

鸚鵡來過吳江水江上洲傳鸚鵡名鸚鵡西飛隴山去
芳洲之艸何青青煙開蘭葉香風暖岸夾桃花錦浪生
遷客此時徒極目長洲孤月向誰明

尚書右丞贈祕書監河東王維字摩詰

奉和聖製從蓬萊向興慶閣道中畱春雨中春望之作
渭水自縈秦甸曲黃山舊遶漢宮斜鑿輿迴出千門柳
閣道迴看上苑花雲裏帝城雙鳳闕雨中春樹萬人家
爲乘陽氣行時令不是宸遊翫物華

敕賜百官櫻桃

芙蓉闕下會千官紫禁朱櫻出上闌纔是寢園春薦後
非關御苑鳥銜殘歸鞍競帶青絲籠中使頻傾赤玉盤
飽食不須愁內熱大官還有蔗漿寒
敕借岐王九成宮避暑應教

帝子遠辭丹鳳闕天書遙借翠微宮隔窗雲霧生衣上
卷幔山泉入鏡中林下水聲喧語笑巖間樹色隱房櫳
仙家未必能勝此何事吹笙向碧空

春日與裴迪過新昌里訪呂逸人不遇

桃源一向絕風塵柳市南頭訪隱淪到門不敢題凡鳥
看竹何須問主人城上青山如屋裏東家流水入西鄰

卷十二

九

七律

閉戶著書多歲月種松皆作老龍鱗

和賈舍人早朝大明宮之作

絳幘雞人送曉籌尚衣方進翠雲裘九天閭闔開宮殿
萬國衣冠拜冕旒日色纔臨仙掌動香煙欲徬袞龍浮
朝罷須裁五色詔佩聲歸向鳳池頭

酬郭給事

洞門高閣靄餘暉桃李陰陰柳絮飛禁裏疎鐘官舍晚
省中啼鳥吏人稀晨搖玉佩趨丹陛夕奉天書拜璫闈
強欲從君無那老將因臥病解朝衣

送方尊師歸嵩山

仙官欲住九龍潭，旄節朱幡倚石龕。
山壓天中半天上，洞穿江底出江南。
瀑布杉松常帶雨，夕陽蒼翠忽成嵐。
借問迎來雙白鶴，已曾衡嶽送蘇耽。

早秋山中作

無才不敢累明時，思向東谿守故籬。
豈厭尙平婚嫁早，卻嫌陶令去官遲。
艸間蛩響臨秋急，山裏蟬聲薄暮悲。
寂寞柴門人不到，空林獨與白雲期。

送楊少府貶郴州

明到衡山與洞庭，若爲秋月聽猿聲。
愁看北渚三湘遠，惡說南風五兩輕。
青艸瘴時過夏口，白頭浪裏出湓城。

卷十二

十

七律

長沙不入畱才子，賈誼何須弔屈平。

積雨輞川莊作

積雨空林煙火遲，蒸藜炊黍餉東菑。
漠漠水田飛白鷺，陰陰夏木囀黃鸝。
山中習靜觀朝槿，松下清齋折露葵。
野老與人爭席罷，海鷗何事更相疑。

待詔翰林金華張志和字子同

漁父

八月九月蘆花飛，南谿老人坐釣歸。
秋山入簾翠滴滴，野艇倚檻雲依依。
卻把漁竿尋小徑，閒梳鶴髮對斜暉。
翻嫌四皓曾多事，出爲儲皇定是非。

散騎常侍贈禮部尚書諡忠修渤海高適字達夫

東平別前衛縣李采少府

黃鳥翩翩楊柳坐春風送客使人悲
怨別自驚千里外
論交卻憶十季時
雲開汶水孤帆遠
路繞梁山匹馬遲
此地從來可乘興
畱君不住益淒其

夜別韋司士得城字

高館張燈酒復清
夜鐘殘月雁歸聲
只言啼鳥堪求侶
無那春風欲送行
黃河曲裏沙爲岸
白馬津邊柳向城
莫怨他鄉暫離別
知君到處有逢迎

送李少府貶峽中王少府貶長沙

卷十二

七

七律

嗟君此別意何如
駐馬銜杯問謫居
巫峽啼猿數行淚
衡陽歸雁幾封書
青楓江上秋天遠
白帝城邊古木疎
聖代卽今多雨露
暫時分手莫躊躇

同陳畱崔司戶早春宴蓬池

同官載酒出郊圻
晴日東馳雁北飛
隔岸春雲邀翰墨
傍簷坐柳報芳菲
池邊轉覺虛無盡
臺上偏宜酩酊歸
州縣徒勞那可度
後時連騎莫相違

金城北樓

北樓西望滿晴空
積水連山勝畫中
湍上急流聲若箭
城頭殘月勢如弓
坐竿已羨磻谿老
體道猶思塞上翁

爲問邊庭更何事至今羌笛怨無窮
同顏六少府旅宦秋中之作

傳君昨夜悵然悲獨坐新齋木落時
逸氣舊來凌燕雀高才何得混妍媸
跡畱黃綬人多歡心在青雲世莫知
不是鬼神無正直從來州縣有瑕疵
重陽

節物驚心兩鬢華東籬空繞未開花
百季將半仕三已五畝就荒天一涯
豈有白衣來剝啄一從烏帽自欹斜
眞成獨坐空搔首門柳蕭蕭噪暮鴉

禮部侍郎河南張謂字正言

卷十二

三

七律

辰陽卽事

青楓落葉正堪悲黃菊殘花欲待誰
水近偏逢寒氣早山溪常見日先遲
愁中命卜看周易病裏招魂讀楚詞
自恨不如湘浦鴈春來卽是北歸時

杜侍御送貢物戲贈

銅柱朱崖道路難伏波橫海舊登壇
越人自貢珊瑚樹漢使何勞獬豸冠
疲馬山中愁日晚孤舟江上畏春寒
由來此貨稱難得多恐君王不忍看

春園家宴

南園春色正相宜大婦同行少婦隨
竹裏登樓人不見

花間覓路鳥先知 櫻桃解結罽簷子 楊柳能低入戶枝
山簡醉來歌一曲 參差芙蓉郢中兒

西亭子言懷

數叢芳艸在堂陰 幾處閒花映竹林 攀樹玄猿呼郡吏
俯谿白鳥應家禽 青山看影知高下 流水聞聲覺淺深
官屬不令拘禮數 時時緩步一相尋

檢校工部員外郎襄陽杜甫字子美

題張氏隱居

春山無伴獨相求 伐木丁丁山更幽 澗道餘寒歷冰雪
石門斜日到林邨 不貪夜識金銀氣 遠害朝看麋鹿遊
乘興杳然迷出處 對君疑是泛虛舟

卷十一

三

七律

紫宸殿退朝日號

戶外昭容紫袖坐 雙瞻御座引朝儀 香飄合殿春風轉
花覆千官淑景移 晝漏希聞高閣報 天顏有喜近臣知
宮中每出歸東省 會送夔龍集鳳池

題省中院壁

掖垣竹埤梧十尋 洞門對霽常陰 落花遊絲白日靜
鳴鳩乳燕青春深 腐儒衰晚謬通籍 退食遲迴違寸心
袞職曾無一字補 許身愧比雙南金

送鄭十八虔貶台州司戶傷其臨老陷賊之故闕爲面

別情見於詩

鄭公樛散鬢成絲酒後常稱老畫師萬里傷心巖譴日
百季坐舫中興時蒼惶已就長途往邂逅無端出餞遲
優與先生應永訣九重泉路盡交期

和裴迪登蜀州東亭送客逢早梅相憶見寄

東閣官梅動詩興還如何遜在揚州此時對雪遙相憶
送客逢春可自由幸不折來傷歲暮若爲看去亂鄉愁
江邊一樹坐坐發朝夕催人白白頭

野人送朱櫻

西蜀櫻桃也自紅野人相贈滿筠籠數回細寫愁仍破

卷十二

十四

七律

萬穎勻圓訝許同憶昨賜霑門下省退朝擎出大明宮
金盤玉筯無消息此日嘗新任轉蓬

諸將五首

選一

韓公本意築三城擬絕天驕拔漢旌豈謂盡煩回紇馬
翻然遠救朔方兵胡來不覺潼關隘龍起猶聞晉水清
獨使至尊憂社稷諸君何以荅升平

夾

露下天高秋水清空山獨夜旅魂驚疏燈自照孤帆宿
新月猶懸雙杵鳴南菊再逢人臥病北書不至雁無情
步檐倚杖看牛斗銀漢遙應接鳳城

暮歸

霜黃碧梧白鶴樓城上擊柝復烏啼客子入門月皎皎
誰家擣練風淒淒南渡桂水闕舟楫北歸秦川多鼓鼙
年過半百不稱意明日看雲還杖藜

公安送韋二少府匡贊

逍遙公後世多賢送爾維舟惜此筵念我能書數字至
將詩不必萬人傳時危兵甲黃塵裏日短江湖白髮前
古往今來皆涕淚斷腸分手各風煙

曉發公安

北城擊柝復欲罷東方明星亦不遲鄰鷄野哭如昨日

卷十二

五

七律

物色牛態能幾時舟楫眇然自此去江湖遠適無前期
出門轉眄已陳迹藥餌扶吾隨所之

覃山人隱居

南極老人自有星北山移文誰勒銘徵君已去獨松菊
哀壑無光畱戶庭予見亂離不得已子知出處必須經
高車駟馬帶傾覆悵望秋天虛翠屏

見王監兵馬使說近山有白黑二鷹羅者久取竟未能
得王以爲毛骨有異他鷹恐臘後春生騫飛避暖勁
翮思秋之甚眇不可見請余賦二詩

雪飛玉立盡清秋不惜奇毛恣遠游在野只教心力破

千人何事網羅求一生自獵知無敵百中爭能恥下韉
鵬礙九天須卻避兔藏三窟莫深憂

黑鷹不省人間有度海疑從北極來正翻搏風超紫塞
玄冬幾夜宿陽臺虞羅自各虛施巧春雁同歸必見猜
萬里寒空祇一日金眸玉爪不凡材

又呈吳郎

堂前撲棗任西鄰無倉無兒一婦人不爲困窮甯有此
祇緣恐懼轉須親卽妨遠客雖多事便插疎籬卻甚眞
已訴徵求貧到骨正思戎馬淚盈巾

秋興八首

卷十二

六

七律

玉露凋傷楓樹林巫山巫峽氣蕭森江間波浪兼天涌
塞上風雲接地陰叢菊兩開他日淚孤舟一繫故園心
寒衣處處催刀尺白帝城高急暮砧

夔府孤城落日斜每依南斗望京華聽猿實下三聲淚
奉使虛隨八月查畫省香鑪違伏枕山樓粉牒隱悲笳
請看石上藤蘿月已缺洲前蘆荻花

千家山郭靜朝暉一日江樓坐翠微信宿魚人還汎汎
清秋燕子故飛飛匡衡抗疏功名薄劉向傳經心事違
同學少年多不賤五陵衣馬自輕肥

聞道長安似弈棋百季世事不勝悲王侯第宅皆新主

文武衣冠異昔時，直北關山金鼓振。征西車馬羽書馳，
魚龍寂寞秋江冷。故國平居有所思。

蓬萊宮闕對南山，承露金莖霄漢間。西望瑤池降王母，
東來紫氣滿函關。雲移雉尾開宮扇，日繞龍鱗識聖顏。
一臥滄江驚歲晚，幾迴青瑣點朝班。

瞿唐峽口曲江頭，萬里風煙接素秋。花萼夾城通御氣，
芙蓉小苑入邊愁。朱簾繡柱圍黃鶴，錦纜牙樯起白鷗。
回首可憐歌舞地，秦中自古帝王州。

昆明池水漢時功，武帝旌旗在眼中。織女機絲虛夜月，
石鯨鱗甲動秋風。波漂菰米沈雲黑，露冷蓮房墜粉紅。

卷十二

七

七律

關塞極天唯鳥道，江湖滿地一漁翁。

昆吾御宿自逶迤，紫閣峰陰入漢陂。香稻啄餘鸚鵡粒，
碧梧棲老鳳皇枝。佳人拾翠春相問，仙侶同舟晚更移。
綵筆昔遊千氣象，白頭吟望苦低垂。

職方郎中兼侍御史南陽岑參

奉和中書舍人賈至早朝大明宮

雞鳴紫陌曙光寒，鶯囀皇州春色闌。金闕曉鐘開萬戶，
玉階仙仗擁千官。花迎劔佩星初落，柳拂旌旗露未乾。
獨有鳳皇池上客，陽春一曲和皆難。

和祠部王員外雪後早朝卽事

長安雪後似春歸積素凝華連曙暉色借玉珂迷曉騎
光添銀燭晃朝衣西山落月臨天仗北闕晴雲捧禁闈
聞道仙郎歌白雪由來此曲和人稀

暮春魏州東亭送李司馬歸扶風別廬

柳鞦鶯嬌花復殷紅亭綠酒送君還到來函谷愁中月
歸去磻谿夢裏山簾前春色應須惜世上浮名好是閒
西望鄉關腸欲斷對君衫袖淚痕斑

西掖省卽事

西掖重雲開曙暉北山疎雨點朝衣千門柳色連青瑣
三殿花香入紫微平明端笏陪鵷列薄暮坐鞭信馬歸
宦拙自悲頭白盡不如巖下偃荆扉

卷十二

七

七律

首春渭西郊行呈藍田張二主簿

迴風渡雨渭城西細艸新花踏作泥秦女峰頭雪未盡
胡公陂上日初低愁窺白髮羞微祿悔別青山憶舊谿
聞道輞川多勝事玉壺春酒正堪攜

使君席友送嚴河南赴長水

得時字

嬌歌急管雜青絲銀燭金杯映翠眉使君地主能相送
河尹天明坐莫辭春城月出人皆醉野戍花深馬去遲
寄聲報爾山翁道今日河南勝昔時

鄭國公檢校吏部尚書華州嚴武字季鷹

巴嶺荅杜二見憶

臥向巴山落月時兩鄉千里夢相思可但步兵偏愛酒
也知允祿最能詩江頭赤葉楓愁客籬外黃花菊對誰
跛馬望君非一度冷猿秋雁不勝悲

封丹陽郡公祕書監包佶字幼正

答竇拾遺臥病見寄

今春扶病移滄海幾度承恩對白花送客屢聞簾外鶻
銷愁已辨酒中蛇瓶開枸杞懸泉水鼎鍊芙蓉伏火沙
誤入塵埃牽吏役羞將簿領到君家

宿廬山贈白鶴觀劉尊師

卷十二

九

七律

蒼蒼五老霧中壇杳杳三山洞裏官手護崑崙象牙簡
心推霹靂棗枝盤春飛雪粉如毫潤曉漱瓊膏冰齒寒
漸恨流季筋力少惟思露冕事星冠

袁州刺史趙州李嘉祐字從一

白蘇臺至望亭驛人家盡空春物增思悵然有作因寄
從弟紆

南浦菰蔣覆白蘋東吳黎庶逐黃巾野棠自發空臨水
江燕初歸不見人遠岫依依如送客平田渺渺獨傷春
那堪回首長洲苑烽火季季報虜塵

早秋京口旅泊章侍御寄書相問因以贈之時七夕

移家避寇逐行舟，厭見南徐江水流。
吳地征徭非舊日，秣陵凋弊不宜秋。
千家閉戶無砧杵，七夕何人望斗牛。
祇有同時驄馬客，偏題尺牘問窮愁。
承恩量移宰江邑，臨鄱江悵然之作。

四季謫宦滯江城，未厭門前鄱水清。
誰言宰邑化黎庶，欲別雲山如弟兄。
雙鷗爲底無心狎，白髮從他遶鬢生。
惆悵間眠臨極浦，夕陽秋艸不勝情。

晚登江樓有懷

獨坐南樓佳興新，青山綠水共爲鄰。
爽氣遙分隔浦岫，斜光偏照渡江人。
心閒鷗鳥時相近，事簡魚竿私自親。
只憶帝京不可到，秋琴一弄欲沾巾。

卷十二

七

七律

送皇甫冉往安宜

江皋盡日唯煙水，君向白田何處歸。
楚地蒹葭連海迥，隋朝楊柳映堤稀。
津樓故市無行客，山館荒城閉落暉。
若問行人與征戰，使君雙淚定霑衣。

送嚴員外

春風倚棹闔閭城，水國春寒陰復晴。
細雨濕衣看不見，閒花落地聽無聲。
日斜江上孤帆影，艸綠湖南萬里情。
君去若逢相識問，青袍今已誤儒生。
赴南中畱別褚七少府湖上林亭

種田東郭傍春陂萬事無情把釣絲綠竹放侵行逕裏
青山常對卷簾時紛紛花發門空閉寂寂鶯啼日更遲
從此別君千萬里白雲流水憶佳期

暮春宜陽郡齋愁坐忽枉劉七侍御新詩因以酬答

子規夜夜啼楸葉遠道逢春半是愁芳艸伴人還易老
落花隨水亦東流山臨睥睨恆多雨地接瀟湘畏及秋
唯羨君爲周柱史手持黃紙到滄洲

右補闕丹陽皇甫冉字茂政

玄元觀送李溪李颯還奉先華陰

此忞那知道路遙寒原紫府上迢迢莫辭別酒傾瓊液

卷十二

三

七律

乍唱離歌和鳳簫遠水東流浮落景繚垣西轉失行鑣
華山秦塞長相憶無使音塵頓寂寥

秋日東郊作

閒看秋水心無事臥對寒松手自栽廬嶽高僧畱偈別
茅山道士寄書來燕知社日辭巢去菊爲重陽冒雨開
淺薄將何稱獻納臨歧終日自遲迴

李二侍御丹陽東去新亭

姑蘇東望海陵間幾度裁書信未還長在府中持白簡
豈知天畔有青山人歸極浦寒流廣雁下平蕪秋野閑
舊日新亭更攜手他鄉風景亦相關

招隱寺送闍判官還江州

離別那逢秋氣悲，東林更作上方期。共知客路浮雲外，
暫愛僧房墜葉時。長江九派人歸少，寒嶺千重雁度遲。
借問潯陽在何處，每看潮落一相思。

隨州刺史河間劉長卿字文房

送陸澧倉曹西上

長安此去欲何依，先達誰當薦陸機。日下鳳翔雙闕迥，
雪中人去二陵稀。舟從故里難移棹，家住寒塘獨掩扉。
臨水自傷流落久，贈君空有淚霑衣。

白夏口至鸚鵡州夕望岳陽寄源中丞

卷十二

三

七律

汀洲無浪復無煙，楚客相思益渺然。瀟口夕陽斜渡鳥，
洞庭秋水遠連天。孤城背嶺寒吹角，獨戍臨江夜泊船。
賈誼上書憂漢室，長沙謫去古今憐。

送柳使君赴袁州

宜陽出守新恩至，京口因家始願違。五柳閉門高士去，
三苗按節遠人歸。月明江路聞猿斷，花暗山城見吏稀。
惟有郡齋窗裏岫，朝朝空對謝元暉。

江州重別薛六柳八二員外

生涯豈料承優詔，世事空知學醉歌。江上月明胡鴈過，
淮南木落楚山多。寄身且喜滄洲近，顧影無如白髮何。

今日龍鍾人共棄，媿君猶遣慎風波。
長沙過賈誼宅

三季謫宦此棲遲，萬古惟畱楚客悲。
秋艸獨尋人去後，寒林空見日斜時。
漢文有道恩猶薄，湘水無情弔豈知。
寂寂江山搖落處，憐君何事到天涯。

觀校獵上淮西相公

龍驤校獵召陵東，野火初燒楚澤空。
師事黃公千戰後，身騎白馬萬人中。
笳隨晚吹吟邊艸，箭沒寒雲落塞鴻。
三十擁旌誰不羨，周郎少小立奇功。

登餘干古縣城

卷十一

七

七律

孤城上與白雲齊，萬古荒涼楚水西。
官舍已空秋艸綠，女牆猶在夜烏啼。
平江渺渺來人遠，落日亭亭向客低。
沙鳥不知陵谷變，朝飛暮去弋陽溪。

送宇文遷明府赴洪州張觀察追攝豐城令

送君不復遠爲心，余亦扁舟湘水陰。
路逐山光何處盡，春隨艸色向南深。
陳蕃待客應懸榻，宓賤之官獨抱琴。
儻見主人論謫宦，爾來空有白頭吟。

使次安陸寄友人

新季艸色遠萋萋，久客將歸失路蹊。
暮雨不知溷口處，春風只到穆陵西。
孤城盡日空花落，三戶無人自鳥啼。

君在江南相憶否門前五柳幾枝低

題靈祐和尚故居

歎逝翻悲有此身禪房寂寞見流塵六時行徑空秋艸
幾日浮生哭故人風竹自吟遙入磬雨花隨淚共霑巾
殘經窗下依然在憶得山中問許詢

送子婿崔眞父歸長城

送君卮酒不成懽幼女辭家事伯鸞桃葉空人誠可詠
柳花如雪若爲看心憐稚齒鳴環去身愧衰顏對玉難
惆悵暮帆何處落青山無限水漫漫

送常十九歸嵩少故林

迢迢此恨杳無涯楚澤嵩邱千里賒歧路別時驚一葉
雲林歸處憶三花秋天蒼翠寒飛鴈古堞蕭條晚噪鴉
他日山中逢勝事桃源洞裏幾人家

校書郎會稽秦系字公緒

邠溪書懷寄劉長卿員外

時在陸州

時人多笑樂幽棲晚起閒行獨杖藜雲色卷舒前後嶺
藥苗新舊兩三畦偶逢野果將呼子屢折荆釵亦爲妻
擬共釣竿長往復嚴陵灘上勝邠溪

溧水令京兆竇叔向字遺直

夏夜宿表兄話舊

夜合花開香滿庭
夜深微雨醉初醒
遠書珍重何曾達
舊事淒涼不可聽
白日兒童皆長大
管季親友半凋零
明朝又是孤舟別
愁見河橋酒幔青

河南劉方平

秋夜寄皇甫冉鄭豐

洛陽清夜白雲歸
城裏長河列宿稀
秋後見飛千里鴈
月中聞擣萬家衣
長憐西雍青門道
久別東吳黃鵠磯
借問客書何所寄
用心不啻兩鄉違

杭州司馬趙郡李端字正己

贈郭駙馬

得錢字

卷十一

五

七律

方塘似鏡艸芊芊
初月如鉤未上弦
新開金埒看調馬
舊賜銅山許鑄錢
楊柳入樓吹玉笛
芙蓉出水妬花鈿
今朝都尉如相顧
願脫長裾學少季

宿淮浦憶司空文明

愁心一倍長離憂
夜思千重戀舊遊
秦地故人成遠夢
楚天涼雨在孤舟
諸溪近海潮皆應
獨樹邊淮葉盡流
別恨轉深何處寫
前程唯一登樓

江上逢柳中庸

舊住衡山曾夜歸
見君江客憶荆扉
星沈嶺上人行少
月過湖西鶴唳稀
弱竹萬株頻礙幘
新泉數步一褰衣

今來唯有禪心在鄉路翻成向翠微

檢校戶部郎中河中盧綸字允言

秋中過獨孤郊居

開園過水到郊居共引家童拾野蔬
高樹夕陽連古巷菊花梨葉滿荒渠
秋山近處行過寺夜雨寒時起讀書
帝里諸親別來久豈知王粲愛樵漁

長安春望

東風吹雨過青山卻望千門柳色閑
家在夢中何日到春歸江上幾人還
川原繚繞浮雲外宮闕參差落照間
誰念爲儒逢世難獨將衰鬢客秦關

晚次鄂州

自潯陽至長沙

卷十二

美

七律

雲開遠見滄陽城猶是孤帆一日程
估客晝眠知浪靜舟人夜語覺潮生
三湘衰鬢逢秋色萬里歸心對月明
舊業已隨征戰盡叟堪江上鼓鼙聲

尚書考功郎中吳興錢起字仲文

和李員外扈駕幸溫泉宮

未央月曉度疏鐘鳳輦時巡出九重
雪霽山門迎瑞日雲開水殿候飛龍
輕寒不入宮中樹佳氣常浮仗外峯
遙羨枚皋扈仙蹕偏承霄澤渥恩濃

送李評事赴潭州使幕

湖南遠公有餘情蘋葉初齊白芷生謾說簡書催物役
遙知心賞緩王程興過山寺先雲到嘯引江帆帶月行
幕下由來貴無事竹間談芙蓉黎毗
和王員外雪晴早朝

紫微晴雪帶恩光繞仗偏隨鴛鷺行長信月留甯避曉
宐春花滿不飛香獨看積素凝清禁已覺輕寒讓太陽
題杜盛名兼絕唱風流誰繼溧田郎

贈闕下裴舍人

二月黃鸝飛上林春城紫禁曉陰陰長樂鐘聲花外盡
龍池柳色雨中深陽和不散窮途恨霄溧長懸捧日心
獻賦十季猶未遇羞將白髮對華簪

卷十一

七

七律

山中酬楊補闕見過

日暖風恬種藥時紅泉翠壁薜蘿垂幽溪鹿過苔還靜
深樹雲來鳥不知青瑣同心多逸興春山載酒遠相隨
卻慙身外牽纓冕未墮杯前倒接羅

郢州刺史中山郎士元字君胄

酬王季友題半日村別業兼呈李明府

村映寒原日已斜煙生密竹早歸鴉長溪南路當羣岫
半景東隣照數家門通小徑連芳艸馬飲春泉踏淺沙
欲待主人林上月還思潘岳縣中花

中書舍人南陽韓翃字君平

送襄垣王君歸南陽別墅

都門霽後不飛塵，艸色萋萋滿路春。
雙甌坡東千室吏，三鴉水上一歸人。
愁眠客舍衣香滿，走渡河橋馬汗新。
少婦比來多遠望，應知疇子上羅巾。

送冷朝陽還上元

青絲絛引木蘭船，名遂身歸拜慶年。
落日澄江烏榜外，秋風疎柳白門前。
橋通小市家林近，山帶平湖野寺連。
別後依依寒食裏，共君攜手在東田。

送王少府歸杭州

歸舟一路轉青蘋，更欲隨潮向富春。
吳郡陸機稱地主，錢塘蘇小是鄉親。
葛花滿把能消酒，梔子同心好贈人。
早晚重過魚浦宿，遙憐佳句篋中新。

送丹陽劉太真

長干道上落花朝，羨爾當年賞事饒。
下筓已憐鵝炙美，開籠無奈鴨媒嬌。
春衣晚入青楊巷，細馬初過皂莢橋。
相訪不辭千里遠，西風好借木蘭橈。

虞部郎中廣平司空曙字文明

南原望溼宮

荒原空有溼宮名，衰艸茫茫雉堞平。
連雁下時秋水在，

行人過盡暮煙生西陵歌吹何季絕南陌登臨此日情
故事悠悠不可問寒禽野水自縱橫

早夏寄元校書

獨遊野徑送芳菲高竹林居接翠微綠岸艸深蟲入徧
青叢花盡蝶來稀珠荷薦果香寒簟玉柄搖風滿夏衣
蓬華永無車馬到夏當齋夜憶玄暉

右拾遺河東耿漳字洪源

賀李觀察禱河神降雨

質明齋祭北風微騶馭千羣攤廟扉玉帛纔敷雲淡淡
笙鏞未撤雨霏霏路邊五稼添膏長河上雙旌帶溼歸
若出敬亭山下任何人敢和謝元暉

卷十二

无

七律

右散騎常侍禮部尚書姑臧李益字君虞

同崔邠登鶴雀樓

鶴雀樓西百尺檣汀洲雲樹共茫茫漢家簫鼓空流水
魏國山河半夕陽事去千季猶恨速愁來一日卽爲長
風煙併起思歸望遠目非春亦自傷

送賈校書東歸寄振上人

北風吹雁數聲悲况指前林是別時秋艸不堪頻送遠
白雲何處更相期山隨匹馬行看暮路入寒城獨去遲
爲向東州故人道江淹已擬惠休詩

蘇州刺史長安韋應物

自鞏洛舟行入黃河卽事寄府縣僚友

夾水蒼山路向東
東南山豁大河通
寒樹依微遠天外
夕陽明滅亂流中
孤邨幾歲臨伊岸
一雁初晴下朔風
爲報洛陽遊宦侶
扁舟不繫與心同

寄李儋元錫

公季花裏逢君別
今日花開已一季
世事茫茫難自料
春愁黯黯獨成眠
身多疾病思田里
邑有流亡愧俸錢
聞道欲來相問訊
西樓望月幾回圓

永平從事蜀朱灣字巨川

尋隱者章九山人於東溪艸堂

尋得仙源訪隱淪
淪漸來深處漸無塵
初行竹裏唯通馬
直到花間始見人
四面雲山誰作主
數家煙火自爲鄰
路旁樵客何須問
朝市如今不是秦

容管經畧使金壇戴叔倫字幼公

越溪村居

季來橈客寄禪扉
多話貧居在翠微
黃雀數聲催柳變
清溪一路踏花歸
空林野寺經過少
落日溪山伴侶稀
負米到家春未盡
風蘿閒掃釣魚磯

寄司空曙

細雨柴門生遠愁
向來詩句若爲酬
林花落處頻中酒
海燕飛時獨倚樓
北郭晚晴山更遠
南塘春盡水爭流
可能相別還相憶
莫遣楊花笑白頭

國子祭酒贈越州都督京兆竇常字中行

之任武陵寒食日途次松滋渡先寄劉員外禹錫

杏花榆莢曉風前
雲際離離上峽船
江轉數程淹驛騎
楚曾三戶少人煙
看春又過清明節
算老重經癸巳年
幸得枉山當郡舍
在朝長詠卜居篇

門下侍郎平章事贈司徒謚忠愍緱氏武元衡字伯

蒼

卷十一

三

七律

送田三端公還鄂州

孤雲迢遞戀滄洲
勸酒梨花對白頭
南陌送歸車騎合
東城怨別管弭愁
青油幕裏人如玉
黃鶴樓中月並鉤
君公庾公應借問
馳心千里大江流

資州刺史泰山羊士諤

郡齋感物寄長安親友

晴天春意併無窮
過臘江樓日日風
瓊樹花香故人別
蘭卮酒色去季同
聞吟鈴閣巴歌裏
回首神皋瑞氣中
自愧朝衣猶在篋
歸來應是白頭翁

郡中言懷寄西川蕭員外

功名無力愧勤王已近終南得艸堂
身外盡歸天竺偈
腹間唯有會稽章
何時臘酒逢山客
可惜梅枝亞石牀
歲晚我知仙客意
懸心應在白雲鄉

國子司業河中楊巨源字景山

和大夫邊春呈長安親故

巖城吹笛思寒梅
二月冰河一半開
紫陌詩情依舊在
黑山弓力畏春來
遊人曲岸看花發
走馬平沙獵雪回
旌旆朝天不知晚
將星高處近三台

贈史開府

天低荒艸誓師壇
艾心知戰地寬
鼓角迴臨霜野曙

卷十二

七

七律

旌旗高對雪峰寒
五營向水紅塵起
一劍當風白日看
曾從伏波征絕域
積西蕃部怯金鞍

吏部侍郎贈禮部尚書謚文南陽韓愈字退之

答張十一功曹

山淨江空水見沙
哀猿啼處兩三家
篔簹競長纖纖筍
躑躅閒開豔豔花
未報恩波知所莫
令炎瘴送生涯
吟君詩罷看雙鬢
斗覺霜毛一半加

奉和庫部盧四兄曹長元日朝回

天仗宵嚴建羽旄
春雲送色曉雞號
金爐香動螭頭暗
玉佩聲來雉尾高
戎服上趨承北極
儒冠列侍映東曹

太平時節難身遇郎署何須歎二毛

檢校禮部尙書贈戶部尙書彭城劉禹錫字夢得

早春對雪奉寄澧州元郎中

新賜魚書墨未乾賢人暫出遠人安朝驅旌旆行時令
友見星辰憶舊官梅燻覆階鈴閣暖雪峰當戶戟枝寒
甯知楚客思公子北望長吟澧有蘭

酬淮南廖參謀秋夕見過之作

揚州從事夜相尋無限新詩月下吟初服已驚玄鬢改
高情猶向碧雲深語餘時舉一杯酒坐久方聞四處砧
不逐繁華訪閒散知君擺落俗人心

卷十一

三

七律

酬朗州崔員外與任十四兄侍御同過鄙人舊居見懷
之什時守吳郡

昔日居鄰招屈亭楓林橘樹鷓鴣聲一酌御苑青門去
寸見蠻江白芷生自此曾沾宣室召如今又守闕閩城
何人萬里能相憶同舍仙郎與外兄

西塞山懷古

王濬樓船下益州金陵王氣黯然收千尋鐵鎖沈江底
一片降幡出石頭人世幾回傷往事山形依舊枕寒流
今逢四海爲家日故壘蕭蕭蘆荻秋

酬樂天揚州初逢席上見贈

巴山楚水淒涼地，二十三季棄置身。懷舊空吟聞笛賦，
到鄉翻似爛柯人。沈舟側畔千帆過，病樹前頭萬木春。
今日聽君歌一曲，暫憑杯酒長精神。

題于家公主舊宅

樹繞荒臺葉滿池，簫聲一絕艸蟲悲。鄰家猶學宮人髻，
園客爭偷御果枝。馬埒蓬蒿藏狡兔，鳳樓煙雨嘯愁鴟。
何郎獨在無恩澤，不似當初傅粉時。

魚復江中

扁舟盡室貧相逐，白髮藏冠鑷更加。遠水自澄終日綠，
晴林長落過春花。客情浩蕩逢鄉語，詩意畱連重物羣。
風檣好住貪程太，斜日青帘背酒家。

卷十一

七

七律

酬寶員外使君寒食日途次松滋渡先寄示四韻

楚鄉寒食橘花時，野渡臨風駐綵旗。艸色連雲人去住，
水紋如縠燕差池。朱輪尙憶群飛雉，青綬初縣左顧龜。
非是湓城舊司馬，水曹何故與新詩。

武昌軍節度使贈尙書右僕射河內元稹字微之

送友封

惠和坊裏當時別，豈料江陵送上船。鵬翼張風期萬里，
馬頭無角已三季。甘將泥尾隨龜後，尙有雲心在鶴前。
若見中丞忽相問，爲言腰折氣衝天。

遣悲懷二首

謝公最小偏憐女，嫁與黔婁百事乖。
願我無衣披畫篋，泥他沽酒拔金釵。
野蔬充膳甘長藿，落葉添薪仰古槐。
今日俸錢過十萬，與君營奠復營齋。

昔日戲言身後意，今朝皆到眼前來。
衣裳已施行看盡，針線猶存未忍開。
尚想舊情憐婢僕，也曾因夢送錢財。
誠知此恨人人有，貧賤夫妻百事哀。

閒坐悲君亦自悲，百年都是幾多時。
鄧攸無子尋知命，潘岳悼亡猶費詞。
同穴窅冥何所望，他生緣會更難期。
唯將終夜長開眼，報答平生未展眉。

卷十二

五

七律

鄂州寓館嚴澗宅

鳳有高梧鶴有松，偶來江外寄行踪。
花枝滿院空啼鳥，塵榻無人憶臥龍。
心想夷聞唯足夢，眼看春盡不相逢。
何時最是思君處，月入斜窗曉寺鐘。

刑部尙書右僕射諡文下邳白居易字樂天

登西樓憶行簡

每因樓上西南望，始覺人間道路長。
礙日暮山青簇簇，漫天秋水白茫茫。
風波不見三季面，書信難傳萬里腸。
早晚東歸來下峽，穩乘船舫過瞿唐。

江西裴常侍以優禮見待，又蒙贈詩，輒敘鄙誠，用伸感

謝

一從簪笏事金貂每借溫顏放折腰長覺身輕離泥滓
忽驚手重捧瓊瑤馬因回顧雖增價桐遇知音已半焦
他日秉鈞如見念壯心直氣未全銷

西湖畱別

征途行色慘風煙祖帳離聲咽管弭翠黛不須畱五馬
皇恩只許住三季綠藤陰下鋪歌席紅藕花中泊妓船
處處回頭盡堪戀就中難別是湖邊

九季十一月二十一日感事而作

禍福茫茫不可期大都早退似先知當君白首同歸日
是我青山獨往時顧索素琴應不暇憶牽黃犬定難追

卷十二

美

七律

麒麟佐脯龍爲醢何似泥中曳尾龜

陝州司馬潁川王建字仲初

題金家竹溪

少季因病離天仗乞得歸家自養身買斷竹溪無別主
散分泉水與新鄰山頭鹿下長驚犬池面魚行不怕人
鄉使到來常款語還聞世上有功臣

逍遙翁溪亭

逍遙翁在此裴回帝改溪名起石臺車馬到春常借問
子孫因選暫歸來稀疎野竹人移折零落蕉花雨打開

無主青山何所值賣供官稅不如天

衛國公太尉貶崖州司戶參軍趙郡李德裕字文饒
到惡溪歿泊蘆島

甘露花香不再持遠公應怪負前期青蠅豈獨悲虞氏
黃犬應聞笑李斯風雨瘴昏蠻地月煙波魂斷惡溪時
嶺頭無限相思淚泣向寒梅近北枝

淮南節度使趙郡公贈太尉謚文肅無錫李紳字公

垂

過梅里七首

選一

憶題惠山寺書堂

卷十二

七

七律

故山一別光陰改秋露清風歲月多松下壯心季少去
池邊衰影老人過白雲生滅依巖岫青桂榮枯託薜蘿
惟有此身長是客又驅旌旆寄煙波

監察御史嘉興殷堯藩

送劉禹錫侍御出刺連州

遐荒迢遞五羊城歸興濃消客裏情家近似忘山路險
土甘殊覺瘴煙輕梅花清入羅浮夢荔子紅分廣海程
此去定知償隱趣石田春雨讀書耕

普州司戶參軍范陽賈島字浪仙

寄韓潮州愈

此心曾與木蘭舟直到天南潮水頭隔嶺篇章來華岳
出關書信過瀧流峰懸驛路殘雲斷海浸城根老樹秋
一夕瘴煙風卷盡月初上浪西樓

龍門令魯劉滄字蒞靈

經煬帝行宮

此地曾經翠輦過浮雲流水竟如何香銷南國美人盡
怨入東風芳艸多殘柳宮前空露葉夕陽川上浩煙波
行人遙起廣陵思古渡月明聞棹歌

經過建業

六代興衰曾此地西風露泣白蘋花煙波浩渺空亡國

卷十二

美

七律

楊柳蕭條有幾家楚塞秋光晴入樹浙江殘雨晚生霞
淒涼處處漁樵路鳥去人歸山影斜

咸陽懷古

經過此地無窮事一望淒然感廢興渭水故都秦二世
咸原秋艸漢諸陵天空絕塞間邊鴈葉盡孤村見夜鐙
風景蒼蒼多少恨寒山半出白雲層

太子少師奇章郡公隴西牛僧孺字思黯

席上贈劉夢得

粉署爲郎四十春今來名輩更無人休論世上昇沈事
且鬪樽前見在身珠玉會應成咳唾山川猶覺露精神

莫嫌恃酒輕言語曾把文章謁後塵

湖南觀察使韓琮字成封

牡丹

桃時杏日不爭濃葉帳陰成始放紅曉豔遠分金掌露
暮香深惹玉堂風名移蘭杜千秋後貴擅笙歌百醉中
如夢如仙忽零落晚霞何處綠屏空

清河張祐字承吉

秋夜登潤州慈和寺上方

清迥浮埃暫歇鄺塔輪金照露華鮮人行中路月生海
鶴語上方星滿天樓影半連溪岸水鐘聲寒徹遠林煙
僧房閉盡下樓去一半夢魂離世緣

卷十二

五

七律

忠武軍節度使汾州薛能字太拙

春日重遊平湖

湖上春風發管弭須臨三十此離筵離人忽有重來日
遊女初非舊少季官職已孤疲瘵望詩名空被後生傳
嘯鶯莫惱蹉跎恨閒事聽吟一兩篇

孔雀

偶有功名正俗才靈禽何事降瑤臺天仙黼黻毛應是
宮后屏幃尾忽開曾處嶂中真霧隱每過庭下似春來
佳人爲我和衫拍遣佗僿僿送一杯

中書舍人萬季杜牧字牧之

九日齊安登高

江涵秋影鴈初飛與客攜壺上翠微塵世難逢開口笑
菊花須插滿頭歸但將酩酊酬佳節不用登臨歎落暉
古往今來只如此牛山何必淚霑衣

渭南尉山陽趙嘏字承祐

長安晚秋

雲物淒清拂曙流漢家宮闕動高秋殘星幾點雁橫塞
長笛一聲人倚樓紫豔半開籬菊靜紅衣落盡渚蓮愁
鱸魚正美不歸去空戴南冠學楚囚

卷十一

早

七律

長安月夜與友人話故山

宅邊秋水浸苔磯日日持竿去不歸楊柳風多潮未落
蒹葭霜冷雁初飛重嘶匹馬吟紅葉卻聽疎鐘憶翠微
今夜秦城滿樓月故人相見一沾衣

經漢武泉

芙蓉苑裏起清秋漢武泉聲落御溝他日江山映蓬鬢
二季楊柳別漁舟竹閒駐馬題詩去物外何人識醉遊
盡把歸心付紅葉晚來隨水向東流

曲江春望懷江南故人

杜若洲邊人未歸水寒煙暖想柴扉故園何處風吹柳

新雁南來雪滿衣，日極思隨原艸遍。浪高書到海門稀，此時愁望情多少。萬里春流遶釣磯。

荅友人

詩家才子酒家仙，遊宦曾依積水邊。窗戶動搖三島樹，琴尊安穩五湖船。羅浮道士分瓊液，錦席佳人豔楚蓮。今日相逢朗吟罷，滿城砧杵一燈前。

送薛耽先輩歸謁溇南

雲繞千峰驛路長，謝家聯句待檀郎。手持碧落新攀桂，月在東軒舊選牀。幾日旌幢延俊馬，到時冰玉動華堂。孔門多少風流處，不遣顏回識醉鄉。

江亭曉望

卷十一

望

七律

碧天涼冷雁來疎，閒望江雲思有餘。秋館池亭荷葉歇，野人籬落豆花初。無愁自得仙翁術，多病能忘太史書。聞說故園香稻熟，片帆歸去就鱸魚。

檢校工部員外郎河內李商隱字義山

聖女祠

松篁臺殿蕙香幃，龍護瑤窗鳳掩扉。無質易迷三里霧，不寒長著五銖衣。人間定有崔羅什，天上應無劉武威。寄問釵頭雙白燕，每朝珠館幾時歸。

隋宮

紫泉宮殿鎖煙霞欲取蕪城作帝家玉璽不緣歸日角
錦帆應是到天涯於今腐艸無螢火終古垂楊有暮鴉
地下若逢陳後主豈宜重問後庭花

籌筆驛

猿鳥猶疑畏簡書風雲常爲護儲胥徒令上將揮神筆
終見降王走傳車管樂有才終不忝關張無命欲何如
他季錦里經祠廟梁父吟成恨有餘

潭州

潭州官舍暮樓空今古無端入望中湘淚淺深滋竹色
楚歌重疊怨蘭叢陶公戰艦空灘雨賈傅承塵破廟風

卷十一

望

七律

目斷故園人不至松醪一醉與誰同

重過聖女祠

白石巖扉碧蘚滋上清淪謫得歸遲一春夢雨常飄瓦
盡日靈風不滿旗萼綠華來無定所杜蘭香去未移時
玉郎會此通仙籍憶向天階問紫芝

野菊

苦竹園南椒塢邊微香冉冉淚涓涓已悲節物同寒雁
忍委芳心與暮蟬細路獨來當此夕清尊相伴省他年
紫雲新苑移花處不取霜栽近御筵

蜂

小苑葦池爛熳通後門前檻思無窮宓妃腰細纔勝露
趙后身輕欲倚風紅壁寂寥崖蜜盡碧簾迢遞霧巢空
青陵粉蝶休離恨長定相逢二月中

對雪

旋撲珠簾過粉牆輕於柳絮重於霜已隨江令誇瓊樹
又入盧家妒玉堂侵夜可能爭桂魄忍寒應欲試梅妝
關河凍合東西路腸斷斑駁送陸郎

錦瑟

錦瑟無端十五弦一弦一柱思華季莊生曉夢迷蝴蝶
望帝春心託杜鵑滄海月明珠有淚藍田日煖玉生煙
此情可待成追憶只是當時已惘然

卷十一

三

七律

碧城

碧城十二曲闌干犀辟塵埃玉辟寒閨苑有書多附鶴
女牀無樹不棲鸞星沈海底當窗見雨過河源隔坐看
若是曉珠明又定一生長對水晶盤

對影聞聲已可憐玉池荷葉正田田不逢簫史休回首
莫見洪崖又拍肩紫鳳放嬌銜楚佩赤鱗狂舞撥湘弦
鄂君悵望舟中返繡被焚香獨自眠

七夕來時先有期洞房簾箔至今垂玉輪顧兔初生魄
鐵網珊瑚未有枝檢與神方教駐景收將鳳紙寫相思

武皇內傳分明在莫道人間總不知

楚宮

月姊曾逢下彩蟾傾城消息隔重簾已聞佩響知腰細
更辨弭聲覺指纖暮雨自歸山悄悄秋河不動夜厭厭
王昌近在牆東住未必金堂得免嫌

春雨

悵臥新春白袷衣白門寥落意多違紅樓隔雨相望冷
珠箔飄燈獨自歸遠路應悲春畹晚殘宵猶得夢依稀
玉璫緘札何由達萬里雲羅一雁飛

無題

卷十一

七律

來是空言去絕蹤月斜樓上五更鐘夢爲遠別啼難喚
書被催成墨未濃蠟照半籠金翡翠麝薰微度繡芙蓉
劉郎已恨蓬山遠更隔蓬山一萬重

颯颯東風細雨來芙蓉塘外有輕雷金蟾鬢鎖燒香入
玉虎牽絲汲井迴賈氏窺簾韓掾少宓妃畱枕魏王才
春心莫共花爭發一寸相思一寸灰

昨夜辰星昨夜風畫樓西畔桂堂東身無綵鳳雙飛翼
心有靈犀一點通隔座送鉤春酒暖分曹射覆蠟燈紅
嗟余聽鼓應官去走馬蘭臺類轉蓬

相見時難別亦難東風無力百花殘春蠶到死絲方盡

蠟炬成灰淚始乾，曉鏡但愁雲鬢改。夜吟應訝月兂寒，蓬山此去無多路。青鳥殷勤爲揆看。

鳳尾香羅薄幾重，碧文圓頂夜深縫。扇裁月魄羞難掩，車忝雷聲語未通。曾是寂寥金燼暗，斷無消息石榴紅。瑛騅只繫坐楊岸，何處西南任好風。

重帷深下莫愁堂，臥後清宵細細長。神女生涯原是夢，小姑居處本無郎。風波不信菱枝弱，月露誰教桂葉香。直道相思了無益，未妨惆悵是清狂。

隋縣尉太原溫庭筠字飛卿

利州南渡

卷十一

七律

澹然空水對斜暉，曲島蒼茫接翠微。波上馬嘶看櫂去，柳邊人歇待船歸。數叢沙艸羣鷗散，萬頃江田一鷺飛。誰解乘舟尋范蠡，五湖煙水獨忘機。

南湖

湖上微風入檻涼，翻翻菱荇滿迴塘。野船著岸偎春艸，水鳥帶波飛夕陽。蘆葉有聲疑霧雨，浪花無際似瀟湘。飄然蓬艇東遊客，盡日相看憶楚鄉。

池塘七夕

月出西南露氣秋，綺羅河漢在針樓。楊家繡幃鴛鴦幔，張氏金爲翡翠鉤。銀燭有兂妨宿燕，畫屏無睡待牽牛。

萬家砧杵三篙水一夕橫塘似舊遊

寒食前有懷

萬物鮮華雨乍晴春寒寂歷近清明殘芳在苜雙飛蝶
曉睡朦朧百轉鶯舊侶不歸成獨酌故園雖在有誰耕
悠然更起嚴灘恨一宿東風蕙艸生

經李徵君故居

露濃煙重艸萋萋樹映闌干柳拂隄一院落花無客醉
五更殘月有鶯啼芳筵想像情難盡故榭荒涼路已迷
風景宛然人自改每經門巷馬頻嘶

宿雲際寺

卷十一

吳

七律

白蓋微雲一逕深東峰弟子遠相尋蒼苔路熟僧歸寺
紅葉聲乾鹿在林高閣清香生靜境夜堂疎磬發禪心
自從紫柱巖前別不見南能直至今

晚坐寄友人

九枝燈在鎖窗空希逸無聊恨不同曉夢未離金夾膝
早寒先到石屏風遺簪可惜二秋白蠟燭猶殘一寸紅
應卷鰕簾看皓齒鏡中惆悵見梧桐

秋日旅舍寄義山李侍御

一水悠悠隔渭城渭城風物近柴荆寒蛩乍響催機杼
旅雁初來憶弟兄自爲林泉牽曉夢不關砧杵報秋聲

子虛何處堪消渴試向文園問長卿

鄂州刺史丹陽許渾字用晦

咸陽城東樓

一上高城萬里愁
蒹葭楊柳似汀洲
溪雲初起日沈閣
山雨欲來風滿樓
鳥下綠蕪秦苑夕
蟬鳴黃葉漢宮秋
行人莫問當年事
故國東來渭水流

送蕭處士歸緱氏別業

醉斜烏帽髮如絲
曾看仙人一局棋
賓館有魚爲客久
鄉書無鴈到家遲
緱山住近吹笙廟
湘水行逢鼓瑟祠
今爽月明何處宿
九疑雲盡碧參差

卷十二

七

七律

京口閒居寄京洛友人

吳門煙月昔同遊
楓葉蘆花並客舟
聚散有期雲北去
浮沈無計水東流
一尊酒盡青山暮
千里書回碧樹秋
何處相思不相見
鳳城龍闕楚江頭

南海府罷南康阻淺行侶稍稍登陸而邁主人燕餞至

頌暮宿東溪

暗灘水落漲虛沙
灘去秦吳萬里賒
馬上折殘江北柳
舟中開盡嶺南花
離歌不斷如畱客
歸夢初驚似到家
山鳥一聲人未起
半牀春月在天涯

再遊姑蘇玉芝觀

高梧一葉下秋初，迢遞重廊舊寄居。月過碧窗今夜酒，
雨昏紅壁去年書。玉池露冷芙蓉淺，瓊樹風高薜荔疎。
明日挂帆更東去，仙翁應笑爲鱸魚。

聞韶州李相公移拜郴州因寄

詔移丞相牧南州，桂水潺湲嶺北流。青漢夢歸雙闕曙，
白雲吟過五湖秋。恩迴玉屐人先喜，道在金縢世不憂。
聞說公卿盡南望，甘棠花暖鳳池頭。

臥病

寒窗燈盡月斜暉，珮馬朝天獨掩扉。清露已凋秦塞柳，
白雲空長越山薇。病中送客難爲別，夢裏還家不當歸。
惟有寄書書未得，臥聞燕鴈向南飛。

卷十二

哭

七律

鄭秀才東歸憑達家書

欲寄家書少客過，閉門心遠洞庭波。兩巖花落夾風急，
一逕草荒春雨多。愁泛楚江吟浩渺，憶歸吳岫夢嗟峨。
貧居不問應知處，溪上閒船繫綠蘿。

村舍

自翦青莎織雨衣，南峰煙火是柴扉。萊妻早報蒸藜熟，
童子遙迎種豆歸。魚下碧潭當鏡躍，鳥還青嶂拂屏飛。
花時未免人來往，欲買嚴光舊釣磯。

潁州從事西湖亭讌餞

西湖清讌不知回一曲離歌酒一杯城帶夕陽聞鼓角
寺臨秋水見樓臺蘭堂客散蟬猶噪桂楫人稀鳥自來
獨想征車過鞏洛此中霜菊遶潭開

送薛秀才南遊

姑蘇城外柳初凋同上江樓更寂寥遶壁舊詩塵漠漠
對窗寒竹雨瀟瀟憐君別路隨秋鴈盡我離觴任晚潮
從此艸元應有處白雲青嶂一相招

弘文館校書郎澧州李羣玉字文山

九日巴邱楊公臺上讌集

淒淒霜日上高臺水國秋深客思哀萬疊銀山寒浪起
一行斜字早鴻來誰家擣練孤城暮何處題衣遠信回

卷十一

巽

七律

江漢路長身不定菊花三笑旅萍開

薛侍御處乞鞵

越客南來誇桂麩良工用意巧縫成看時共說菜萸皺
著處嫌無鸚鵡鳴百里奚身悲甚似五羊皮價敢全輕
日於文苑陪高步贏得芳塵接武名

黃陵廟

小姑洲北浦雲邊二女明妝自儼然野廟向江春寂寂
古碑無字艸芊芊風迴日暮吹芳芷月落山深哭杜鵑
猶似含顰望巡狩九疑如黛隔湘川

長沙紫極宮雨夜愁坐

獨坐高齋寒擁衾洞宮臺殿宵沈沈春鐙含思靜相伴
夜雨滴愁更向深窮達未知他日事是非皆到此時心
羈棲摧翦平生志抱膝時爲梁甫吟

侍御史崔珏字夢之

和友人鴛鴦

翠鬣紅衣舞夕暉水禽情似此禽稀暫分煙島猶回首
只渡寒塘亦竝飛映霧乍迷珠殿瓦逐梭齊上玉人機
採蓮無限蘭橈女笑指中流羨爾歸

寂寂春塘煙晚時兩心和影共依依溪頭日暖眠沙穩

卷十二

五

七律

渡口風寒浴浪稀翡翠莫誇饒彩飾鸕鶿須羨好毛衣
蘭溪芷密無人見相逐相呼何處歸

司馬札

曉過伊水寄龍門僧

龍門樹色暗蒼蒼伊水東流客恨長病馬獨嘶殘爽月
行人欲渡滿船霜幾家煙火依村步何處漁歌似故鄉
山下禪菴老師在願將形役問空王

新定方干字雄飛

旅次洋州寓居郝氏林亭

舉目縱然非我有思量如在故山時鶴盤遠勢投孤嶼

蟬曳殘聲過別枝涼月照窗欹枕倦澄泉遶石泛觴遲
青雲未得平行去夢到江南身旅羈

路入剡中作

戩灣衝瀨片帆通高枕微吟到剡中掠艸並飛憐燕子
停橈獨飲學漁翁波濤漫撼長潭月楊柳斜牽一岸風
僂擬乘檉應去得仙源直恐接星東

送鄭端公

聖主佇知宣室事豈容才子滯長沙隨珠此去方酬德
趙璧當時誤指瑕驄馬將離江浦月繡衣卻照禁中花
應憐寂寞滄洲客煙漢塵泥相去賒

卷十二

五

七律

餘杭羅鄴

鴛鴦

江雲碧霽瑞煙開錦翅雙飛去又回一種鳥憐名字好
祇緣人恨別離來煖依牛渚汀沙媚夕宿龍池禁漏催
相對若教秦女見僂須攜向鳳皇臺

節度從事桂州曹唐字堯賓

仙子洞中有懷劉阮

不將清瑟理霓裳塵夢那知鶴夢長洞裏有天春寂寂
人間無路月茫茫玉沙瑤艸連溪碧流水桃花滿澗香
曉露風燈零落盡此生無處訪劉郎

萼綠華將歸九疑畱別許真人

九點秋煙黛色空
綠華歸思頗無窮
每悲馭鶴身難任
長恨臨霞語未終
河影暗催雲夢月
花聲閒落洞庭風
藍絲重勒金條脫
畱與人閒許侍中

三季冬大禮

太一天壇降紫君
屬車龍鶴友成羣
春浮玉藻寒初散
露拂金莖曙欲分
三代樂回風入律
四溟歌駐水成文
千官不動旌旗下
日照南山萬樹雲

翁綬

關山月

卷十一

七

七律

裴回漢月滿邊州
照盡天涯到隴頭
影轉銀河寰海靜
光分玉塞古今愁
笳吹遠戍孤烽滅
雁下平沙萬里秋
況是故園搖落友
那堪少婦獨登樓

江甯丞涇縣許棠字文化

洞庭湖

空江浩蕩景蕭然
盡日菰蒲泊釣船
青艸浪高二月渡
綠楊花撲一溪煙
情多莫舉傷春日
愁極兼無買酒錢
猶有漁人數家住
不成村落夕陽邊

太常博士襄陽皮日休字襲美

奉和魯望徐方平後聞赦次韻

金雞煙外上臨軒紫詰新坐解恩涿鹿未銷初敗血
新安頓雪已坑魂空林葉盡蝗來郡腐骨花生戰後村
未遣蒲車問幽隱共君應老抱桐孫
襄陽閒居與友生夜會

習隱悠悠世不知林園幽事遞相期舊絲再上琴調晚
壞葉重燒酒煖遲三徑引時寒步月四鄰偷得夜吟詩
艸玄寂淡無人愛不遇劉歆更語誰

懷華陽問卿博士

冥心唯事白英君不問人間爵與勳林下醉眠仙鹿見
洞中間話隱芝間石牀臥苦渾無薛藤篋開稀恐有雲
料得虛皇新詔樣青瓊板上綠爲文
風骨輕來稱瘦容華陽館主未成翁數行玉札存心久
一朶雲漿漱齒空白石煮多重屋黑丹沙埋久染泉紅
他季欲事先生去十資須加陸逸冲

寄題羅浮軒轅先生所居

亂峰四百二十二欲問徵君何處尋紅翠數聲瑤室響
眞檀一炷石樓溪山都遣負沽來酒樵客容看化後金
從此謁師知不遠求官先有葛洪心

初冬偶作寄南陽潤卿

寓居無事入清冬雖設尊欄酒半空白菊爲霜翻帶紫

蒼苔因雨卻成紅，迎潮預遣收魚筍。防雪先教葢鶴籠，
唯待支硎最寒夜。共君披篋訪林公。

贈右補闕蘇州陸龜蒙字魯望

新秋月夕客有自遠相尋者，作吳體二首以贈。

風初寥寥月乍滿，杉篁左右供餘清。因君一話故山事，
憶鶴互應溪溪聲。雲門老僧定未起，白閣道士遙相迎。
世間羽檄日夜急，掉臂欲歸巖下行。

驚聞遠客訪良夜，扶病起坐綸巾欹。清談白紵思悄悄，
玉繩銀漢光離離。三吳煙霧且如此，百越瑛賚來何時。
林端片月落未落，強慰別情言後期。

卷十二

七

七律

奉和襲美宿報恩寺水閣

峯抱池光曲岸平，月臨虛檻夜何清。僧穿小檜纔分影，
魚擲高荷漸有聲。因憶故山吟易苦，各橫秋簟夢難成。
周顒不用裁書勸，自得涼天證道情。

別墅懷歸

水國初冬和暖天，南榮方好背陽眠。題詩朝憶復暮憶，
見月上弦還下弦。遙爲晚花吟白菊，近炊香稻識紅蓮。
何人授我黃金百，買取蘇君負郭田。

和襲美江南道中懷茅山廣文南陽博士二首次韻

一片輕帆背夕陽，望二峰拜七眞堂。天寒灰湫雲芽淨，

雪壞晴梳石髮香自拂煙霞安筆格獨開封檢試沙牀
莫言洞府能招隱會輟颺輪見玉皇

良常應不動移文金醴從酸亦自醺桂父舊歌飛絳雪
桐孫新韻倚元雲春臨柳谷鶯先覺曙醮蕪香鶴共聞
珍重雙雙玉條脫盡憑三島寄羊君

壺中行坐可攜天何況林閒息萬緣組綬任垂三品石
佩環從落四公泉丹臺已運陰陽火碧簡須雕次第仙
想得雷平春色動五芝煙甲又芋眠

奉和襲美所居首夏水木尤清適然有佗次韻

柿陰成列藥花空卻憶桐江下釣筒亦以魚蝦供熟鷺

卷十一

五

七律

近緣櫻筍識鄰翁閒分酒劑多還少自記書籤白閒紅
更愛夜來風月好轉思玄度對支公

和襲美寄題鏡巖周尊師所居

見說身輕鶴不如石房無侶共雲居清晨向削靈香柿
獨夜空吟碧落書十洞飛精應徧吸一簪秋髮未曾梳
知君僂入懸珠會早晚東騎白鯉魚

七言律詩一卷

